

docriver 文川网
入驻商家 古籍书城
在文川网搜索古籍书城 获取更多电子书

中國方志叢書·第一五一號

據清乾隆十四年修刊本影印

貴州省

黔南識略



sk5710

成文出版社印行



中華民國五十七年十二月壹一版

黔南識略 全一册

定價：新台幣二四〇元正

發行人：黃 成 助

出版者：成 文 出 版 社

臺北郵政信箱二二六〇五號
電話：九二二〇一〇號

印刷者：新高美印製有限公司
三重市長興街九十三號



版權所有

內政部登記證內版臺業字第一一四七號

中國方志叢書導言

論方志在史籍中的地位及功用

論我國史籍的源流，要以尚書和春秋最古。韋學誠（一七三八—一八〇一）有六經皆史的說法，認為古人未嘗離事而寫理，六經皆是先王的政典。龔自珍（一七九二—一八四一）認為六經是周史的宗子。易經是卜筮的史，書經是記言的史，春秋是記事。國風是史官採自民間的詩而要付之司樂的，雅頌是史官採自士大夫的，禮記是一代的律令，皆歸史官守藏。這樣看來，都是與史有緣的。參證後來把會典、通典、通考各種專記律令文獻的著作，也列入史籍，適足說明我們要研究社會全面文化的時候，自然會擴大史料的徵集範圍。否則，只能局限在政治史的小圈子裡。無論如何，依今日圖書分類愈趨精密的眼光來看，尚書和春秋，總該是上古的珍貴史籍。

自從漢代司馬遷作史記，班固父子作漢書，一般人的觀念中便有經和史的分辨。魏晉南北朝以至唐初，私家修史的風氣大開，詩賦雜說，論著更多，彙存的書籍越來越豐富。本來根據內容把圖書分類列為七略，到了晉時又有四部的劃分。把兵書、方技、術數併入子部，詩賦歸入集部，成爲經、史、子、集四部。這種分類的意義，好像是說，經是民族的大本原，史是社會文化發展的跡象，子是個人發掘的理性，集是個人自由精神的感情表現。經史高高在上，冥冥中鑄成東方文化注重通貫綜合的學術精神特色，只求互相涵攝並存，蔑視抽象的分派對立，技藝在學術上不被尊重，於是文人學士把經史纏在一起，甚至文史也弄得分拆不開。一直傳沿到清代乾隆開館重整四庫，分類仍然照舊，史部中羅列了十五類子目，而方志只有一五〇種。史籍雖然很多，後人却終不能整編歸納成一部完備而有系統的中國通史和文化史。試看民國十九年羅兌之在方志考稿序中嘆道：「吾國人之不能認識了，吾民族性者蓋有由矣，無真史故也。史不能明全體社會活動之迹，而徒措意於一二人之殊功美行，亦猶乎吾曹今日但知環吾左右者之思想行動大抵相同，而不知距吾曹稍遠者其思想行動乃膠附於數百千年之前而少所變也。」又余紹宋也在方志考稿序三中慨說：「今者國史之業，既無專司，而著作體裁亦宜零變。必當參用通志之例，廣載各地方社會情形，而不能偏重於中央政治，乃事理之當然，亦時勢所必至，若是則有賴於方志者益多。近世以來，政治凌夷，雖屢變而不能中理合度協於人情，國事晚艱，職是之由。一這樣看來，我國累存的史料確是不少，可惜史學研究上還待重行檢討哩！」

docsriver 文川网
入驻商家 古籍书城

在文川网搜索古籍书城 获取更多电子书

唐宋以來，史籍的編纂却也演進許多，官修的演化為編年體的皇家實錄、紀傳體的正史、有關禮法的會典、偏重地理的方志；私修的也有紀傳體的正史、別史、編年體的通鑑、以事爲綱的紀事本末、屬於典志的通考、通典專史，體裁和內容都有進步。史學上也誕生了兩位傑出人物。一位是唐代的劉知幾（六六一—七二一），他取諸家所作的史籍，闡明義例，商榷利病，遺存傳世的有史通一書，獨具評論性。另一位是章學誠（一七三八—一八〇一），曾爲和州、永清、亳州修志，又做過畢沅的幕僚，修纂湖北通志。他是重視方志，親歷其事而又提出具體建議的第一人。這兩位皆是值得推崇的史學碩彥。

人類自從有了時間觀念，再也斬不斷過去、現在、未來的鎖鏈，這是歷史興趣的根源。有了空間觀念，又渴求地理的知識。生活演進，使文物制度日漸繁複。歷史的探討便由幾何直線擴展到橫面的伸展。中國的土地大，人口多，山川氣候不同，先前的交通遠不及近日方便，更容易形成地方特色。只憑少數人編纂的國史，顯然不能囊括各地的社會全盤現象。地方志隨時代前進，倡於明代，盛於清代，現已成爲史籍中的要角了。這便是我們要介紹方志的緣由。

方志自從明代提倡編纂，清代便昌盛起來。托庇於國學首先注重經史，再加文史素來兼顧的餘輝，早年館庫所收的方志，皆有特定的水準。其實，在政府的通令鼓勵下，各地主纂方志的，莫不兢兢業業，收集的史料，皆是可資信實的，並不限於官府的藏本。據朱士嘉統計：清代編成的地方志有四、六五五種。康熙間完成一、二八六種，乾隆間又有一、〇二四種；直隸最多，有四〇三種，四川、江西、山東、河南、陝西、浙江皆各有三百種以上。他在一九三〇年統計我國方志便有四、九一二種，一九三五年統計總數爲五、八三二種，九三、二二七卷，一九三八年又查知七三〇種，一九五八年再查知七〇〇種。這樣，總數就達到七、二六二種。比起正史來，卷帙浩繁，真不是任何人可以憑他一生精力而能全部瀏覽一遍的。但是我們原也不必去做那種迂事。祇要知道這是歷史方面還未開發的山林，可以發掘的寶藏很多。現在試依顧頡剛在中國地方志綜錄序引述的一般方志紀事要目如下：地理——沿革、疆域、面積、分野；政治——建置、職官、兵備、大事記；經濟——戶口、田賦、物產、關稅；社會——風俗、方言、寺觀、祥異；文獻——人物、藝文、金石、古蹟；便知方志內容廣泛，而且它的取材，來自檔案、函札、碑碣，是很可信實的。真正說「以校正史，則正史顯其粗疏」而已。這是說地方志在數量和內容方面也成爲史籍中的要角。

民國十九年瞿兌之出版方志考稿，賅括江蘇、河北、山東、河南、山西、遼寧、吉林、黑龍江八省的方志，一一列明了纂修年月、纂修人姓名、舊志沿革、卷數目次，並且辨體例，評得失，尤其注意特殊史料，是輔導研讀方志的文獻。此外，民二十年故宮所藏方志編目刊行，二十二年國立北平圖書館承京師圖書館和北海圖書館合併之後，藏有方志三千八百餘種，也編有目錄。

二十三年朱士嘉編中國地方志綜錄，羅列了五千多種。朱士嘉在北平所見的不過三千種，後又訪得上海涵芬樓直省志目，徐家匯天主堂藏書、金陵大學、南洋中學、中山大學諸書目，並知王綏珊藏有一千多種，又索得美國國會圖書館方志簡目、日本內閣文庫、宮內省圖書寮、日本帝國圖書館等志目，遂完成了蔚為大觀的綜錄。令人驚異的是國外的巴黎和越南的遠東圖書館，美國哈佛大學也藏有我國的方志，國內的教會校館更對方志發生興趣，這個時代的中西史學精神也就可以窺見一斑。

我國昔日的史家似乎拘束於史料的體例形式，精神已墮入治亂衰替的環循環律陷阱，偏重政治史的小圈子，不敢放胆解釋人性各方面活動史實，但是今日經過科學洗禮以後，我們要弄清楚幾點：(一)憑藉文字和古物研究歷史，並不能使過去的事實完全再現，再說每件歷史事實皆有它的特殊面，能使它再現的，僅是倚靠我人的經驗和直覺。(二)科學可以捉住相同的事物，正因為我人能控制它的再現，可以求出它的共相和通性或定理、定律，但是史學上就不簡單了，我們要儘量注意它的特殊面。(三)現代史學在政治、經濟、社會、宗教、藝術以至文學方面應有廣泛的研討。(四)歷史研究者須有哲學的氣質，參用科學的方法，獲取藝術的成果。(五)對史實的特殊相若不加解釋，只能做一個史料收藏家，算不得是真正的歷史學者。

我們現在應該知道，中國歷史在傳統的史籍以外，方志是有地域性的，另外還有一種家譜是氏族性的史料。這方志與家譜，足可幫助史家分別根據人、時、地、物四個因素來研究事態的始末，展開嶄新的歷史敘述。為了適應時代需要，樹立清晰而有系統的概念，我們把選印本方志叢書的範疇，暫定為鄉、縣、府、郡、行政區的地方史，及各種叙一物一事的專志等（如灤水志、盧山志）。

明清以來，方志成為地方官參照施政的要覽。若說依據方志便能瞭解該地的全情，未免過於誇張，所以研讀方志只能說有助於瞭解一地的過去情況。提供歷史專題研究的翔實資料，而且要從多種方志去探求同一節目，效果就高得多，現在把方志的功用，試述幾個實例如下：

- (1) 朱彝尊日下舊聞，陸心源宋史翼，顧炎武天下郡國利病書，大多係由各種方志取材。
- (2) 陳垣的元人也里可溫考，據至順鎮江志而作。
- (3) 張亮丞菲律賓實史上的李馬奔 (Lingahong) 真人考，據閩粵方志而成。
- (4) 日人桑原隲藏作滿清書史考，援引閩粵方志多種。
- (5) 日人加藤繁中國經濟史考證，何炳棣中國人口論，皆據很多方志的資料。

- (6) 專從物產而言。乾隆時豐潤縣志記載屬于本為朝鮮進貢大臣隨員售來民間，但品級低劣，不為一般人喜愛，豐潤人利用竹枝、風景、花鳥畫改良後，風行一時。這是涉及朝貢而又有趣的史料。又如何炳棟曾利用方志研究中國的早熟稻種。
- (7) 元李好文長安志圖，詳載如何利用水力。很多方志皆有河工、灌溉、築堤的經費、徵工等資料，可供稽考。
- (8) 地方賦役的負擔，也可從方志比較輕重。
- (9) 往日的水陸交通、驛站距離，也可查知考證。
- (10) 鄉村市集、地方商業、對外貿易、典當、礦業，皆可在方志查考。蘇州府志有論孫春陽雜貨店的記述。高陽縣志論棉紡工業及第一次世界大戰期間的發展及各地市場情況，直敘到其後的衰落。這是工商業衰變的史實。
- (11) 章學誠永清縣志對縣衙組織和差役的待遇，也是今日不易找到的資料。
- (12) 往昔教育制度的社學、義學、書院、學田、科舉應考生的旅費等，也可從方志查考。
- (13) 風俗、節日、寺院、壇觀、碑碣、古墓，在方志中均有豐富的記載可資考證。
- (14) 少數民族如苗、瑶的風俗，方志記載也很可靠。
- (15) 歷任地方官的姓名、科舉名錄，更是考證上的極好資料。

從這些功用看來，方志確也含一部份地理資料。乾隆四庫全書把它列入史部十五個子目之一的地理目，便是這個原故。到此，我們也要敘一敘方志的起源。有人認為漢袁康的越絕書，晉常璩的華陽國志是方志鼻祖；但那偏重地理性的圖經更可算是方志的前身。考據起來，由隋煬帝詔令天下各郡上呈當地風俗習慣及地圖，唐代令各郡每三年呈報人口一次，宋代又令潤月的年份要編圖經上呈朝廷，皆是圖經進展的實跡。宋代的志書已增列人物藝文，但遺存的很少。元代創編一統志，明代修纂一統志，因而徵求各省志書，方志的型態漸成一格。清代方志大盛，民國繼續修纂，有些省區曾急迫的限令於六個月內完成，內容自然就不免浮濫的譏評，所以刊本雖多，選讀的時候還須思量一下。本社致力於影印中國文史社會科學名著有年，此次選印的方志叢書，是完全依循前面所述的觀點，精選善本影印發行。更進一步，倘若國內外人士藏有孤本，本社願收入這部叢書，以貫徹索來發揚中國文化的精神。

黔南識略原序

黔於元為湖廣四川雲南三行省地雖掌在職
靡勿絕而已明永樂間始置貴州布政司稍立府州
縣與都司諸衛所相參錯分治其軍民而土司之屬
以數十計終明世自為治至

昭代

乃悉郡縣之其被聲教之日視他省獨淺其地東鄰
楚西拒滇南限粵北遮蜀截長補短廣輪僅千有餘
里其山川幽秀而鬱塞雲霧霖潦以為常梯田磽确
刀耕火種無藪澤之饒桑麻之利歲賦所入不敵內
地一大縣其民多南楚西江之流移一再傳之後遂

黔南識略原序

成土著類淳樸而慈誠拙于治生有百金產遂號富
人苗狎狃猥獷之族蠶屯蟻聚大抵多疑尚鬼嗜
戰鬪重報復輕趨剽悍易動而難靜於西南諸蠻中
為患尤劇用是

朝廷

之擇守土恒重難其選而得之者顧以為難助往往
鄙夷其民而傳舍其官類惰因循置一切于不問及
醜毒既厚一發不可遏乃草薙而禽獮之此黔之所
以益不振也乾隆九年余自江蘇來藩是邦距古州
用兵未十稔覽其凋瘵疲茶之狀慨然興嘆曰是甯
不足以有為乎夙興夜寐咨于寮案方欲有所整頓

無何遷去越三年復拜撫黔之

命私心喜慰益感以奮謂可展吾未竟之志而上報

天子倚畀恩也夫為治者必周知閭閻纖悉之故而後緩
急輕重施之無不當今府州縣長吏民牧官皆以知
名問其所治一方之事有茫然不能對者矣矧自監
司以上位愈尊與民愈遠所轄愈廣耳目愈不易周
非訪之博而求之詳欲去所疾苦垂利長久而不拂
乎人情其道何由爰條列十八事下所屬親民吏俾
各覩縷以陳因以觀其人之賢否既畢上屬貴陽參
軍張鳳孫芟煩摘要稍加詮次名曰黔南識略自昔

黔南識略原序

二

郭青螺著黔記田山薑著黔書並稱一代文獻茲之
所輯略古而詳今雖博雅不及前人然考其土宇之
廣狹城郭之圯治關梁道路之險夷斥堠郵亭武備
之修廢則思所以固疆圉察其民性之淳頑婚喪之
奢約人文之盛衰盜賊獄訟異端之微熾則思所以
善風俗相其田土之上下農功之勤惰五穀百產倉
廩市集之盈虛賦稅之厚薄戶口之登耗則思所以
厚民生辨其種夷之生熟則思所以布威信視其窮
民無告之多寡則思所以廣慈惠由是長吏執此以
課功羣有司精思職業持此以報績一洗向者頽惰

因循之治而共率

九重明作之治浸致桀者馴窳者良地不加廣而日以富
庶聲名文物之盛與中土埒斯則黔之厚幸而余所
深有望于同志者歟

乾隆十四年仲夏既望撫黔使者愛必達書於都御
史行署

凡例

一是書專紀風土以備服官者之採擇故於郡邑之建置疆域之遠近山之起伏水之分合其中田畝肥瘠財賦轉輸以及關隘驛傳之設稼穡樹藝之宜皆從其詳而於人物藝文及星野占候之說則概不登

一黔中為苗疆重地自神禹誓師武丁撻伐而後各勞飲馬始靖飛鴉其山川扼險之區多歷代銘勳之所俱遵正史綴於某山某地之下庶與驛名

黔南識略凡例

籌筆縣紀獲嘉垂佳話於來茲亦翰軒所必採至若橋書庚戌渡號西林我

朝平定新疆尤千秋所僅有今因通志之舊分別輯

入

一是書不分門別類惟以府廳州縣分析為志其形勢風俗大概又統為總敘一篇冠於篇首以挈其綱兼便於省覽焉

一凡志所未詳盡及事有鑒於古而可以驗諸今行於後者又有今昔異宜似應量為變通者俱於各府志後論而列之以便搜采

一黔中水道前人多據水經注循源溯流強為附合實未嘗親歷也茲則逐細考證但據其源流所在仍其今名而以古今各家之說附之於後如鎮陽江即古無水是也然不可竟名為無水轉致後人滋疑故依漢書體例載以今名

黔南識略凡例

二

黔南識略目錄

卷一

總敘

貴陽府

長寨同知

卷二

貴筑縣

龍里縣

貴定縣

修文縣

卷三

黔南識略目錄

開州

定番州

大塘州判

羅斛州判

廣順州

卷四

安順府

郎岱同知

歸化通判

卷五

普定縣

鎮甯州

永甯州

卷六

清鎮縣

安平縣

卷七

平越直隸州

湄潭縣

湄安縣

餘慶縣

卷八

都勻府

卷九

八寨同知

丹江通判

都江通判

卷十

都勻縣

麻哈州

獨山州

三脚壘州同

卷十一

清平縣

凱里縣

荔波縣

卷十二

鎮遠府

卷十三

黔南志

三

台拱同知

清江通判

卷十四

鎮遠縣

施秉縣

卷十五

天柱縣

黃平州

卷十六

思南府

安化縣

婺川縣

印江縣

卷十七

石阡府

龍泉縣

卷十八

思州府

玉屏縣

青谿縣

黔北志

四

卷十九

銅仁府

銅仁縣

卷二十

松桃直隸同知

卷二十一

黎平府

卷二十二

古州同知

下江通判

卷二十三

開泰縣

錦屏鄉縣奉

永從縣

卷二十四

大定府

水城通判

卷二十五

平遠州

黔西州

黔西通判

五

卷二十六

威甯州

畢節縣

卷二十七

興義府

興義縣

卷二十八

普安縣

安南縣

貞豐州

册亨州同

卷二十九

普安直隸同知

卷三十

遵義府

遵義縣

卷三十一

桐梓縣

綏陽縣

卷三十二

黔南識略目錄

六

正安州

仁懷縣

仁懷直隸同知

右黔南識略三十二卷乾隆中長白愛必達公

撰書中有嘉道間事不知出何人手或曰滇中

李復齋文耕也愛公巡撫貴州時條列十八事

下所屬親民吏令各覲觀陳之以備掌故屬貴

陽經歷華亭張鳳孫芟摘為書其書以省府廳

州縣為綱目而詳紀沿革疆域山川形勢風俗

土田財賦關隘營汛驛遞無人物藝文星野占

候實事求是或以見在爲主卽水道亦書當時之名不用洪穉存之所攷尤爲矜慎總敘及諸府廳州之後各繫以論體製得宜黔南紀載極尠檣册亦多缺略地界犬牙華離甌脫者不一州縣四至八到極爲舛錯田賦之科則州殊縣異司里不同關隘營汛鋪遞詳言者蓋寡是編於方志之外多所增益糾正洵黔中不可少之書也道光丁未之夏予得其鈔本於士人家因付之剞劂氏工畢識其緣起於此云中冬仲丁安化羅繞典

黔南識略卷一

貴州巡撫長白愛必達撰

總敘

貴州省在京師西南七千四百六十里禹貢梁州南裔荆州之西鄙也春秋屬楚為巫黔中地秦置黔中郡漢置牂柯郡屬益州晉屬甯州隋置牂柯郡唐置黔中都督府尋改為黔中道設採訪使治黔州乾甯二年陷於蠻宋時牂盤諸州皆為羅甸于矢普里等部元置順元路立總管府置貴州等處長官司於是

黔南識略卷一

有貴州之名明初置貴州安撫司尋陞為宣慰使設貴州都指揮使司永樂十年始設貴州等處承宣布政使司計明時領府十衛二十州九縣十四

國朝因之省衛入縣者八改衛為縣者十有六裁守禦所陞為府者一又益以湖南廣西四川地及平定水西安坤并古州新疆六廳地東至湖南辰州界五百四十里西至雲南曲靖府界五百五十里南至廣西南丹州界三百二十里北至四川重慶府界四百五十里東南至廣西隆州界三百五十里西北至雲南東川府界五百六十里東北至湖南辰州界五百二十里西南至雲南曲靖府界五百三十里廣袤千

餘里領府十二直隸同知三分防同知五分防通判六直隸州一州十三縣三十三東則思州銅仁踞湖南之腰背西則大定興義扼雲南之咽喉南則都勻

黎平處粵西之肘腋北則思南遵義為四川之輔車

疊隘重關居高據險樹屏垣於南服為邊徼之要區

設雲貴總督一員駐雲南巡撫一員左營參將一員

右營遊擊一員守備二員千總四員把總八員撫標

兵六百四十六名學政一員布政司一員首領官經

歷一員庫大使一員按察司一員首領官照磨一員

司獄一員糧儲道一員與貴陽府貴筑縣皆同城貴

西巡道一員駐威甯貴東巡道一員駐古州提督一

員駐安順總兵官四員一駐威甯一駐鎮遠一駐古

州一駐興義協副將十員及所屬官兵俱詳志於所

駐府廳州縣內至學政歲科應取學額布政司應徵

地丁稅課耗羨戶口田畝分數按察司兼管二十四

驛及糧儲道應提秋糧餘米變價撥歸不敷兵糧銀

數貴西道額採白黑鉛斤貴東道所轄屯軍名數均

於所屬各志內分晰具載其境內諸山則自雲南宣

威州儻塘驛入黔之威甯經水城至安順又自安順

之土州至定番分為二其南幹則由都勻八寨至百

黔南識略卷一

州黎平以入楚粵其北幹則由安順之清鎮安平至貴筑老鴉關折而入凝爲省治平越石旰思南諸山又分脉於遵義而爲省之北障也水曰烏江曰盤江曰都江曰清江曰鎮陽江曰銅仁江曰濠江爲貴州之巨川烏江源於威甯至思南而入蜀盤江亦源於威甯至興義而入粵都江清江俱出都勻而一則經古州以入粵一則經天柱以入楚鎮陽則源出黃平以入於沅銅仁則流滙於楚以達麻陽濠江則自定番至泗城以入粵餘如思南之費水仁懷之赤水則又各流滙於巴蜀以達於大江者也介楚之區其民

黔南識略卷十

夸介蜀之區其民果介滇之區其民魯介粵之區其民蒙大率皆質野而少文纖嗇而重利貴陽所屬則勤於耕讀安順所屬則兼多負販平越都勻銅仁事雖簡而地要鎮遠思南仁懷商以通而力裕思州石旰習於儉者也大定興義治用嚴者也黎平之民富於木遵義之民富於絲普安地寬而人雜則編查宜勤於內松桃地小而苗多則防禦宜周於外此形勢風俗之大較也苗之種類有百上游則保夷爲多下游則狃苗青苗爲多平定之初在鋤其暴嚮化以後在厚其生其耕種土地頗爲漢奸股削雖目前尙可

無虞治必防之以漸我

聖上智燭無疆計周萬禩道光六年巡撫嵩溥欽奉

諭旨飭禁漢奸私入苗寨引滋擾當經委員逐細編查

各屬買當苗人田土客民共三萬一千四百三十七

戶佃種苗人田土客民共一萬三千一百九十九戶

易手藝傭工客民共二萬四百四十四戶住居城市

鄉場及隔屬買當苗人田土客民一千九百七十三

戶並住居城市鄉場買當苗民全莊田土客民及佃

戶共四千四百五十五戶奏請自此次編查之後如

再有勾引流民擅入苗寨續增戶口買當田土者將

黔南識略卷一

四

流民遞籍並將勾引之客民立時驅逐出境田產給

還苗人追價入官仍照違

制律治罪儻敢復犯盤剝準折等弊卽照各本律例從重

治罪俱蒙

俞允通飭奉行數年以來苗民各安其業無敢虞詐莫不

激發天良以仰副

皇上一視同仁籌畫兩全之至意所有苗人土俗已各詳

於所屬志中茲則從其略云

論曰買誼有言天下之情與器無以異在天子所以

置之黔於前明時螳臂蜂蟻時形竊發置之益未善

docsriver 文川网
入驻商家 古籍书城

在文川网搜索古籍书城 获取更多电子书

也安宋二宣慰司統領諸苗伏在肘腋不即加誅迺任其設治會城日與巡撫以下商預朝政彼有舉動官無從而察之官有舉動彼得而伺之也所以置之者抑何謬耶朱燮元既誅邦彥仍以大方烏撒水西比喇界其餘孽謬益甚矣我

世祖章皇帝整壹函夏者定方隅鞭箠所指木拔道通

聖祖仁皇帝因安坤之蠢動犁其巢穴設官而郡縣之然後

千四百餘年之羅甸始克出闇昧而視照臨也

世宗憲皇帝不忍古州八萬諸生苗獨擯化外俯徇督臣鄂爾泰所請撫勦兼施自雍正六年至乾隆元年兩次

黔南識略卷五

五

用師經營完善而後亘古未通聲教之區始共識歸

仁之路矣

高宗純皇帝特加軫卹永免新疆苗人雜賦垂諸令甲既懲

艾其兇頑復蘇息其良善益示以傾者在所必覆而

裁者在所必培也我

仁宗睿皇帝先後戡定興義銅仁苗匪旬月之間立時剪撲

皇上御極之六年即

諭地方撫臣飭禁漢奸私入苗寨蓋

列聖之所以經畫苗疆者如是之周詳今

皇上之所以綏靖邊郵者又如是之整飭也官於斯者觀

山川之險要則當思締造之所以艱觀戶口之殷繁則當思撫馭之所以善觀財賦之出入則當思轉運之所以勞觀苗夷之順軌則當思

國家之所以規制於已然與其所以綢繆於未然者庶幾乎無忝所司哉

貴陽府

貴陽府為省會首郡禹貢梁州荒裔漢為牂柯郡地隋開皇初置牂州大業初改為牂柯郡唐初復置牂州隸黔州都督府尋廢五代時為八番附馬殷宋開寶八年置大萬谷落總管府元至順元年置順元路

黔南識略卷一

六

軍民安撫司并立亦奚不薛總管府俱統於順元等處軍民宣慰司明洪武四年置貴州安撫司六年陞為宣慰使司隸四川行省永樂十一年改隸貴州布政司成化十二年分貴州宣慰司地置程番府治程番長官司隆慶二年移府治與布政司同城三年改為貴陽府萬曆二十九年改曰軍民府

國朝因之康熙二十六年裁各府軍民字復曰貴陽府

領廳一州三縣四受轄於糧儲道設知府一教授一

訓導一經歷一巡檢一駐札佐其境東至都勻府麻

哈州界一百二十里西至安順府清鎮縣界三十里

南至興義府貞豐州界二百二十里北至遵義府遵義縣界一百五十里東南至麻哈州界一百二十里東北至遵義縣界二百一十里西南至貞豐州界一百二十里西北至清鎮縣界六十里廣一百五十里袤三百七十里由府治七千六百四十里達於

京師貴筑縣附郭南一百里爲定番州西南一百一十里爲廣順州東一百二十里爲開州東五十里爲龍里縣東一百一十里爲貴定縣北五十里爲修文縣西南一百七十里爲長寨同知所轄郡治據荆楚之上游爲滇南之門戶蓋控臨之要區邊徼腹心地

黔南叢書卷十

七

也城爲明洪武十五年建周圍九里七分高二丈二尺登以石門五東曰昭文南曰迎恩西南曰廣濟西曰振武北曰布德水關二天啟六年於北門外增築土城周四里五分高一丈五尺設威清六廣紅邊小東四門水關二

國朝乾隆八年重建石城黔省除遵義一府此外各府皆有親轄地方蓋地處荒服苗蠻雜居開設之初臨以知府所以樹恩威資彈壓其制與它省異也貴陽城內外皆係貴筑縣管轄所屬之地自五里至二百餘里俱與縣地星羅棋布貴州之名因於貴山其山

在城北二里入蜀之道也一名貴人峰銅鼓山在城東二里高百餘仞每陰雨山腹有聲如銅鼓其相連者曰東山一峰巍然與城樓對峙棲霞山在城東五里山半有來仙洞相寶山在城東北一里俗名照壁山獅子山有三俱在城西二里以形受名明顏川侯傅友德嘗駐兵於此又城西一里有五虎山城南五里有飛鳳山諺所謂五虎三獅一鳳凰者也黔靈山在城西北三里眾山環抱一徑斜穿叢林古剎爲游覽之勝康熙時石阡郡守陳奕禧鑄黔靈勝境於絕壁嗣後貴西道伊湯安構亭其上題曰亦雲樓扶風

黔南叢書卷十

八

山本名螺螄山在城東乾隆五十九年改今名梵宇清幽頗稱名勝高連山在城南二里石穴有泉石門山在城東六十里兩石對峙如門路經其中故名樂史太平寰宇記牂州建安縣有高連山石門山豈卽此耶木閣箐山在城西北四十里延袤百餘里橫亘修文縣境林木蒼翳中有道通黔西上有潭香深不測又石人山在城北三十里山頂羣石拱立如人雲錦山在城北二十里舊爲宣慰朱氏別業臥牛山在城南二十五里山南有長豐堰溉田甚廣簾箕山在城南五十里旁有青巖巖臨河達定番梯嶺在城南

三里石級如梯中曹司路經其上雪厓洞在城西南南明河上乾隆初布政使陳惠榮建來仙洞在其顛朝陽洞在城南三里雲巖洞在城西北三里舊名唐山洞甚幽遂白龍洞在城西北十五里中有潭水魯納洞在城西北百里三洞并列可容千人土人避兵於此瀉玉洞在城北四十里奇石林立瀑布飛流水落洞在城北百里爲眾水所歸船石在城東二里牛渡河邊長數丈石譜在城南百里羣石萬狀不可殫述下有清泉犀牛石在城西一里貫城河源出城東北五里之堊龍山由北門外水關入城至六洞橋水

黔南識略卷十

九

關流滙南明河亦名玉帶河康熙中總督甘文焜巡撫佟鳳彩因居民屢火濬之以禦民災後巡撫陳誥復加開鑿日久淤塞夏秋漲溢爲患道光六年巡撫嵩溥檄都守于克襄濬治易名太平河損貲歲修濬河時於北門橋西掘出一井味甘冽詢之士人云舊名三元井今重甃之圍以石欄南明河在城南門外源出廣順州東北阿沙壩過中曹司至府城西南下流爲牛渡河至巴香北流合烏江龍洞河在城南十里下流入於南明河四方河源出廣順州滙於南明河濟番河在城西南三十里俗名花狃狃河八番路

黔南識略卷十

十

所經明成化初宣慰使宋昂壘石爲橋下流入南明河富水在城南源出八里屯之龍井入南明河澤溪在城北源出庫樓山流合貫城河亦名宅溪明史李樞傳賊退保澤溪王三善破賊澤溪卽此又有黔靈山諸泉水黃泥哨水俱注於南明河靈泉在城內大興寺泉極澄澈舊傳月出沒時雖偏在東西泉中皆見影漏酌泉在黔靈山後其泉晝夜盈縮以百爲度名曰聖泉亦名百盈明鎮遠侯顧成甃石爲池立一石於泉中以驗消長九十九泉在城西二十里高寨泉出山頂凡九十九穴神應泉在城北二十里擊石則泉出因名神應溫泉在城北九十里楊郎壩初出熱甚可熟生物稍遠方可浴珠泉在城西三十里龍井在城內水出石隙味甚清冽安賊圍城井忽涸有人探入見一穴深窅莫可窮極海螺井在城南百里白納司地形如螺甲每日三潮若吞吸然養龍坑在城北二百里養龍司舊傳兩山中有深池龍藏其下春日牧牝馬其上間產龍駒新添關在城東南二里圖雲關在城南二里蔡家關在城西北五里亦謂之禦水關老鴉關在城西北五里四川驛道經此鳳凰關在城北十里又西北有開水關明洪武二十九年

都督顧成破闢水克宋那革置母龍等洞寨是其處也青巖堡在城南七十里四達之塗明天啟初安邦彥使李阿二圍青巖斷定番餉道巡撫王三善遣王建中劉志敏救青巖燔賊四十八莊定番路乃通霽虹橋在城外南明河上明永樂二年鎮遠侯顧成建又有浮玉橋所謂鼈磯浮玉也其下爲涵碧潭芳杜洲左岸有寺爲城南之名勝明萬歷十五年巡撫江東之架石築堤建甲秀樓於其上樓前立鐵柱二一爲雍正十年總督鄂爾泰開古州新疆時建一爲嘉慶二年總督勒保平興義苗時建社稷壇在城西一

黔南載略卷一

土

里風雲雷雨山川壇在城東一里先農壇在城東鳳壇在城外西北隅文廟府學在城北縣學在城東名宦祠鄉賢祠在廟左右賢良祠在城南門外文昌廟關帝廟俱在城中城隍廟在城西北隅忠義孝弟祠在縣學左節孝祠在南門外以上壇廟各府州縣俱有福黔潤澤龍神廟在城內龍井旁武侯廟在城南門外康熙中巡撫田雯題額曰丞相祠堂忠烈廟在城內祀唐南霽雲苗人稱之曰黑神外郡遍有諸苗最敬憚之其遇有曖昧未決事稱將質諸黑神則無不吐實者田雯黔書載南霽雲之得祀於貴陽也以

其子承嗣爲清江太守又明王憲疏稱神曾顯靈成番陰爲禦災捍患乞頒祀典此尸祝之由來也王又成祠在撫署東祀明新建伯王守仁甘忠果祠在城南五里祀雲貴總督甘文焜王忠毅祠在城南祀定海將軍四川提督王之鼎鄂公祠在武侯廟旁祀大學士諡文端鄂爾泰宋阿重墓在城北以平宋隆濟功諡忠宣明鎮遠侯贈夏國公諡武毅顧成墓在城南門外郡地北近蜀南近粵四時多雨少晴雨則寒晴則暖夏則晝熱夜涼無嚴寒酷暑邇來氣候較正比於中土田分上中下三則源水浸溢終年不竭者

黔南載略卷一

土

謂之濫田濱河之區編竹爲輪用以厚水者謂之水車田平原築堤可資蓄洩者謂之堰田地居窪下溪澗可以引灌者謂之冷水田積水成池旱則開放者謂之塘田山泉泌湧井汲以資澆者謂之井田山高水乏專恃雨澤者謂之乾田又稱望天田坡陀層遞者謂之梯子田斜長結曲者謂之腰帶田大約上田宜晚稻中田宜早稻下田宜早稻山坡磽确之地宜包穀燕麥黃豆而紅稗水稗春菽秋菽皆次之亦有種小米紅麥綠豆芝麻者農工始三月至八九月而畢田土屢未丈量民間不知畝數但計布種多寡斗

種之地寬約一二畝豐年上田可收米五石中田四石下田三石至二石不等中曹白納巴香水邊之田旱澇無患麥西蔡家關青巖養龍之田則地高而土瘠成熟田一萬一千五百四十七畝有奇歲徵秋糧米一千二百五十一石四斗一升每石加耗一斗五升地丁銀歲徵四百八十二兩二錢每兩加耗一錢五分常平倉舊額貯米二萬三千九百二十四石一斗貯穀一萬六千五百七十九石五斗現存穀五萬七千二百五十九石五斗道光二年經守令於城內南雪厓洞迎恩寺及城西北之班竹園花狹狹建設

黔南議略卷一

十一

義倉四所貯穀三千石有奇會城五方雜處江右楚南之人爲多世家巨族率敦名節士習彬雅人戶櫛比鱗次承平日久漸習繁華通計府屬漢苗錯處之莊一百七十有奇苗寨一百一十有奇學額文生歲科試皆二十名武生歲試二十名貴山書院在巡撫署東明正德間席書以按察司副使提學貴州時王守仁謫龍場驛丞書乃敦請入文明書院主講黔士始知有反身之學後人卽祀守仁於其中號陽明書院歷經增修今爲貴山書院嘉慶五年復設書院二處一在城南曰正習一在外城內曰正本同時設義

學二處曰蒙養曰敏來二十三年又增設一處曰近悅道光七年又增設二處曰化成曰精勤貢院居城之中向有號舍三千間道光七年巡撫嵩溥增修號舍一千三百有餘間將布政使署北偏東箭道地拓建棘牆圍入貢院札佐司在城北八十里巡檢分駐卽元之落邦札佐長官司地府共轄六土司前明俱屬宣慰司今屬府皆以長官司世其職中曹長官司卽元中曹白納長官司 奉南洪武三年以謝石寶歸附授正司劉禮賓副之現承襲有印養龍坑長官司在府北卽元養龍坑宿徵等處長官司授征蠻將軍洪武五年蔡普化襲職現承襲有印白納長官司在府東南卽元茶山白納等處長官司洪武五年併入中曹司永樂四年復置以歸附土酋周可敬爲長官趙仲祖副之今承襲無印虎墜長官司在府東南明洪武三年宋瑠以功授今承襲無印又有青巖土弁凡土官出入乘馬無儀從養贍惟藉先世田產有事檄調無事不敢入城見守令俱行屬員禮貴陽城守營遊擊一員守備一員千總二員把總四員額設兵八百八十名設塘汛十曰養龍桐木青巖騎龍高坡馬屎雞場撻鐵關板橋巴香會城食米全賴定

黔南議略卷一

十一

番廣順若定番之米數日不至價則陡昂市價以斗米三錢爲最貴一錢六七分爲中平一錢一二分爲最賤每市斗準倉斗一斗五升鄉民多食雜糧蓄米爲納賦婚嫁之需婚姻皆簡易無浮費鄰戚鷹至宰豕傾釀以爲宴宴畢卽請鄰戚爲挽輿幼歸夫家者曰童養媳女必長於舅子四五歲取其能操作任井曰也貧家壘土爲垣覆以茅富者編竹爲垣塗以土覆以瓦出入戴斗笠挾家之所有者易於市各鄉集場八處曰雞曰牛曰馬曰鼠曰養龍曰巴香曰水田壩曰谷定壩六日一集周而復始黔人謂市爲場多以十二支所屬名其貿易之所如子曰爲鼠場丑日爲牛場是也地產白楊楓香梨桐諸木山多橡樹經有司勸諭近亦有放蠶取絲者物產不具列其專產者載之蟬鳴稻俗呼爲早市香粒圓性芳熟先他稻雞糞有紫白二種白者不可食初秋生蔓草中始奮如笠旣如蓋漸則紛披如雞羽故曰雞以其從土中出故曰糞蒸食甚美然不能多得羊肚菌美彷彿雞糞核桃殼薄肉肥異於他省桃李遠城最盛紫李尤佳俗呼麥熟李刺梨野生榦如蕻菜花如茶蘼實如小石榴有刺味酸取其汁入密熬之可爲膏更有重胎

黔南識略卷一

圭

者花甚豔名爲送春歸黔屬俱有越境卽無薇蕨生地中白者爲薇紫者爲蕨根瀝爲粉可救荒海椒俗名辣子土人用以佐食降真香出深箐中古藤所結歷久乃香天麻俗名土蘿蔔苗名定風草羊桃藤卽詩之萇楚白花子如小麥取汁可膠巨石桃竹出烏江等處可作杖董竹出養龍諸寨最有名俗名筋竹稅口有南北關及黃沙烏江茶山六廣諸處額徵銀五千五百一十七兩九錢有奇稅羨銀二千八百六十兩錢局在城西南隅所需銅斤歲委州縣一員赴滇採買鉛斤由貴西道撥運以供鼓鑄歸藩司措放兵餉及養廉苗類屬府轄者有宋家蔡家花苗白苗青苗狛家各種宋家住麥西水田壩蔡家住養龍花苗佷巴香白苗佷高坡青苗佷蔡家關狛家散處四鄉皆以服色爲別宋家春秋時宋人之裔爲楚所俘放之南徼遂流爲夷宋宣慰祖也男子冠而長矜婦人笄而短襟婚之夕婿家往迎女家率親屬篋之謂奪親旦進盥於姑子婦燂湯以沐三日而罷喪則疏水二十一日不封樹而葬蔡家卽蔡人亦爲楚所俘者男子善擲種以瓊爲衣婦人以瓊爲髻束以青布高尺許狀似牛角用長簪貫之翁媳不通問居喪三

黔南識略卷一

夫

月不食米肉夫死俗當花詢婦家奪去乃免宋家蔡家並通漢語知文字勤耕織守禮法今盡變而為華不復可別識矣花苗衣無袷窳而納諸首男以青布裏頭婦人青衣短裙斂馬鬢尾雜髮為髮大如斗籠以木梳裳服先用蠟繪花於布而染之既染去蠟而花現衣裏領緣皆用五色絨線刺錦為飾裙亦刺花故曰花苗男子力耕婦人以織麻為事病不服藥小疾則謀雞病刺則宰牲屠牛病愈乃止孟春合男女於野謂之跳月擇平壤為月場以冬青樹一本植於地上綴以野花名曰花樹男女皆整服吹簫笙踏歌

南畿圖卷一

七

代時馬殷自邕管遷來其種有三一曰補龍一曰卡尤一曰青狎貴陽安順興義都勻平越皆有之貴陽則青狎也善治田好以青帕纏頭及腰婦人長裙細摺多至二十餘幅性好樓居婦女尤善織名曰狎家布聚馬牛雞犬骨以米糝和之作醃以酸臭為佳稱富積者曰蓄醃幾世婚姻與花苗青苗相類聘用牛羣以雨織遮墓上期年而焚之祭用枯魚歲時擊銅鼓為懽大率狎家勤耕織間有富者畜蠶負為之風今不復有男子俱漢裝近更有讀書應試者虺雷性皆愚憨而青狎尤狡悍於今入被聲教漸習華風有呼為苗者必動色返唇以為詭厲得非爭自濯磨以待上之教化哉

南畿圖卷十

六

論曰禹貢紀揚州之域厥田下下厥賦下上錯其地距冀州荒服外也今則財賦雄天下文物聲明冠冕海內非蘊蓄者厚其揚詡者大歟黔於唐宋間析郡分州授其土人遙為羈縻其時猶屯蒙也至元明稍稍式廓而安撫宣慰諸司仍以酋長加之名號擁地負隅互相雄角小則遣官勘訊大則命將出征播州水西俾未能擒服也故其時受之以訟受之以師義正仁育百度維貞日所出入率土來臣震讐以威

柔懷以德古州八萬暨台拱清江丹江上下江諸新
疆皆唐虞以來從未知正朔者莫不息喙帖耳革面
洗心遵長吏約束喁喁然惟恐後貴陽一府所領諸
州縣民俗尤淳鄉試登賢書者幾十餘人少亦七八
人弦誦之聲遍於境內苗人力役輸將豔慕科第深
諱其舊俗以爲恥農而食之虞而出之工而成之商
而通之駸駸乎稱樂土矣易說卦傳曰履然後安故
受之以泰其黔今日之謂歟夫山川之運以有待而
後開苗蠻之性惟至誠爲能化此蓋伏遇

聖人之教不肅而成是以極諸蠻貊所向從風而服也有

拊循之責者其將何以仰荅

昇平哉

長寨同知

長寨同知在府治西南一百七十里本廣順州地方
國朝雍正四年總督鄂爾泰討長寨狃苗平之設長寨
營遂分其地移貴陽府同知駐焉其境東至廣順州
革猛界三十里西至安順府歸化通判翁青寨界五
十里南至定番州大華司界七十里北至廣順州宗
角界三十里東南至廣順州威遠汛界三十里西南
至歸化通判屬陽界七十里東北至廣順州擺塘界

三十里西北至廣順州擺所界三十里廣七十里
一百里城周二里三分凡三百八十八丈高一丈設東
西北三門乾隆十二年建東有羊城撻壤南有羊角
谷隆西有者貢狗場北有焦山同筍皆廳之險要與
百連盤龍諸山絡繹相接者也西南三十里有小河
源出定番州流經廳屬之擺儀羊雍二寨入廣順界
田畝宜晚稻高粱粟米紅稗不宜早稻政有春秋二
種現在成熟田八千九百五畝有奇熟苗所耕之長
寨者貢谷隆等處田土肥沃兼有水源無憂旱澇生
苗所居之茅草冗曉等處山高泉少喜雨忌晴不徵

黔南議略卷一

十一

秋米額徵正銀五百二十六兩一錢二分九釐有奇
常平實貯穀一萬五千八百四十四石有奇歲需兵
糧由鎮甯州撥濟二千一百五十三石三斗二升本
地產米無多不敷民食苗戶多借雜糧糊口新闢之
區苗多漢少風俗樸陋力穡之外別無生業乾隆五
年始設義學訓化民苗城中駐劄長寨營參將一員
守備一員存城把總一員兵一百五十三名分防羊
城汛兵二十名撻壤汛兵十四名羊角汛把總一員
兵三十二名谷隆汛兵十五名者貢汛兵十四名狗
場汛外委一員兵二十四名同筍汛把總一員兵二

十七名焦山汎外委一員兵二十名城鄉集場四處
以丑未巳亥辰戌子午爲期樹多楓香木有桐茶開
闢以來曠地尙多境內無銅鉛礦廠亦無稅課苗有
狃家青苗二種各分生熟熟苗通漢語生苗則否男
子皆椎結婦人短衣長裙刺花繡於其上惟畏疾病
一人有病則舉寨移山洞避之通屬漢民二千三百
二十九戶熟苗一百一十六寨生苗二百七十六寨
大者二十餘戶小者三四戶萬山叢繞苗穴深邃設
有九汎六塘無驛遞渡口東北通廣順有兩徑西達
歸化南達定番惟一徑餘與首縣同



黔南識略卷二

貴州巡撫長白愛必達撰

貴筑縣

貴筑縣附郭漢故且蘭縣地隋置牂牁郡唐改建安縣仍為牂州治元置貴州等處長官司併置章龍小羅等州魏蓬章龍小羅等縣為順元路治明洪武五年置貴筑長官司屬宣慰司萬歷十四年改置新貴縣又貴州衛洪武四年置隸四川行省十四年改隸貴州都司二十八年置貴州前衛國朝康熙二十六年以貴州貴前二衛改貴筑縣與新

黔南識略卷二

一

貴縣

貴縣同附郭三十四年巡撫閩興邦奏省新貴縣併入焉東至龍里縣界三十里西至安順府清鎮縣界二十五里南至龍里縣界六十里北至修文縣界六十里東南至龍里縣界八十里西南至定番州界五十里東北至開州界八十里西北至修文縣界七十里廣袤各百餘里與府屬犬牙相錯山川形勢已詳府志官設知縣一教諭訓導各一典史一田畝成熟者八萬三千一百八十畝有奇東北鄉水旱無虞多屯田而糧重西南鄉稍旱則歉多科田而糧輕屯田二萬八千二百有奇科田五萬五千有奇歲徵秋糧

正米一萬六百三十八石有奇銀一千五百五十五

兩有奇俱加一五耗秋糧正米歲支左右城守三營

兵糧及廩生餼米餘米耗米糶價批解正銀坐扣春

夏二季驛費耗銀批解歲徵銀米每十戶立一頭人

十頭人立一寨長照數催納社倉米二百八十一石

三斗九升零常平倉穀八萬二千四百一十石重農

捐輸溢額穀七百七十石有奇徵收學租米七十二

石有奇為賑濟府縣學寒生費徵收官莊米五百八

十七石有奇為支放孤貧口糧縣轄城內外四保

各里屯堡村寨四百有奇共居民四萬七千有奇

十一戶道光六年巡撫嵩溥奏委員清查苗匪

明戶冊漢民不得夾雜牽連學額文生歲科試

二十名武生歲試取二十名舊有土司曰喇平乾隆

二十八年土司宋維新因病辭退承襲無人隨裁塘

汎十四大道四塘曰阿江舖曰湯粑哨路通清鎮曰

龍洞舖曰黃泥舖路通龍里僻徑十塘通修文者曰

老鴉關班竹園札佐通開州者曰馬屎巖大羊場通

定番者曰大水溝花犴楊柳井青巖哨距青巖之

十里又有塘曰桐木林深箐密中有雞扒坎介於兩

塘之間宵小潛踪經縣令詳請設卡會同青巖桐木

黔南識略卷二

二

貴縣

兩汎往來巡緝通廣順者曰石板哨皆好徒往來出入之所稽查宜嚴皇華驛在城內上距清鎮五十五里至亦資孔入滇境下距龍里六十里至玉屏縣達楚境距縣北三十里爲龍場舊設驛丞一員後裁以貴州衛守備管理今歸於縣額馬六十四匹日支草料銀五分站夫一百名日支工食銀四分場市有八廠有修文之紅白二巖及開州之白馬洞均產水銀由縣招丁採辦月納稅課按旬報查水銀出於硃砂因火熬煉而成廣雅謂之頌仙家謂之汞以其形流動不止色白如銀故曰水銀黔書作硃硨非也別無銅

黔南識略卷上

三

鉛等廠四境不通舟楫所屬牛渡南溪龍洞四方濟番諸河皆有橋以利行旅苗有宋家蔡家狝家花苗諸種與府屬同

龍里縣

龍里縣在府治東五十里唐宋爲羅甸蠻地元置龍里縣屬龍里州明洪武二十三年改置龍里衛二十九年陞爲軍民指揮使司

國朝順治十五年裁指揮設守備康熙十一年裁衛設

縣設知縣一教諭一訓導一典史一其境東至貴定縣梳篦石界三十里西至貴筑縣黎兒關界二十五

里南至定番州區街界五十里北至本府狗場寨界九十里東南至本府毛箕堡界四十里西南至本府中曹司界三十里東北至貴定屬新安界三十里西北至本府虎墜司界五十里保障會城噤喉要地城週圍五里三分計八百四十五丈一尺高一丈四尺登以石明洪武二十三年建歲久傾圮乾隆二十七年重修門四紫虛山今名冠山石骨嶙峋曲徑盤繞建紫虛閣其上山在城內龍架山在城南一里壁立千仞軼雲造漢縣之鎮山也下有雷雲洞洞下甚深軒豁爽朗石乳嵌空鮮潤欲滴明巡撫郭子章題曰

黔南識略卷二

四

雕雲洞左十餘丈許有一洞水從洞出冬夏恆流近城田畝以資灌溉有小溝分引入城人多汲飲城西一里有馬鞍山城北二十里有雲臺山高五里許磅礴蜿蜒橫亘數里頂有寺城西三十里有長衝山昔爲苗蠻出入之所成化間置堡哨以守之城西南五里有蓮花山山腹有洞深不可測又有蓮涇鯉魚石在城西五里長可五六尺許鱗甲欲動原溪其源出縣南二十里菜花山之龍洞逕縣西五里有廣濟橋俗名水橋爲往來官道轉龍灣水注之又梅子關水注之簸箕河源出城東北五里之龍潭分爲二一由

docsriver 文川网
入驻商家 古籍书城

在文川网搜索古籍书城 获取更多电子书

五里橋入於原溪一由龍關遠城東又折而北龍架山水陡坡水竝入焉流至篋其橋與原溪會下流瀝於甕城河加牙河在城東源出縣東南之谷者寒流入大平伐司之甕首河呼應泉在城南五十里聲泉出龍里廢州在城東南五十里龍里舊縣在城西龍頭營在城東十五里顧祖禹方輿紀要天啟初安邦彥犯會城撫臣王三善自新添抵龍頭營敗賊兵奪龍里是也三牌在城東南六十里方輿紀要天啟三年安邦彥再犯會城使賊黨何中尉據龍里王三善遣副將祁繼祖等下龍里破蓮花堡燒上中下三牌

黔南識略卷上

五

賊皆百餘龍里之路始通是也高寨在城西十五里紀要王三善克龍里引兵復進奪高寨七里衝乘勝進兵畢節鋪遂克會城是也學額八名城內設有義學一所分經蒙二館道光十年始建蓮峰書院田畝現在成熟者三萬二千三百五十四畝近城平坦處水旱無虞餘皆山高水冷歲收瘠薄惟下排五堡八寨田疇寬廣水泉足資灌溉稱膏腴焉額徵正米二千四百七十八石六斗四升四合六勺每石加耗一斗五升除支放兵糧廩米餘米批解道庫正額條馬銀一千四十九兩五分二釐徵差人丁六百三十丁

每丁徵銀二錢共徵銀一百二十六兩乾隆四十三年奉文將人丁攤入田畝共徵條丁馬館銀一千一百七十五兩五分二釐坐扣春夏驛站經費每兩加耗銀一錢五分常平倉額貯穀三萬五千七百六十七石七斗溢額穀七十八石新建義倉一所兵糧於秋米內支放不需他處撥運市斗準倉半一斗七升庶鄉集場五處小場大壩羊場比孟場灣寨場虎場以卯酉寅未日爲期樹宜松柏杉楓茶蠟之屬近多椽樹境內無銅鉛礦廠亦無稅課苗有三種白苗青苗狝家苗久經向化力田輸賦間有入學者轄四土

黔南識略卷二

六

司大谷龍司元時宋國以功授宣撫司傳至明嘉靖十三年改授大谷龍長官司今承襲有印小谷龍司元時宋幕以功授小谷龍安撫司明嘉靖十一年改授長官司今承襲無印羊場司明洪武二十三年以功授長官司今承襲有印龍里司元爲龍里等寨長官司明洪武五年土酋何有善歸附改置今承襲土舍通計漢莊一百六十有奇苗民共計四十餘寨東關在城東一里西關在城西一里又城西五里有永通關二十里有長衝關又有黎兒關龍從關在城東二十五里元設噴聳古平等處長官司危峰插天路

人雲表亦名雲頂關查慎行詩所謂極目雲生處到
來雲滿身也設有一汎九塘大道五僻路四城中駐
劄定廣協把總一員外委一員兵六十六名龍里驛
額設馬五十匹站夫一百名馬夫二十五名每季請
領驛費銀八百三十九兩一錢遇閏接數加增腰站
在城西二十五里谷腳下至貴定六十里上至省城
五十里無渡口南境歷谷冲甲架毛箕可達定番廣
順北境歷虎場可達開州修文風俗與貴筑同

貴定縣 在府治東一百一十里漢故且蘭縣地宋麥

黔南職略卷二

七

新地嘉泰元年改爲新添元置新添爲蠻安撫司屬
湖廣行省後改屬雲南行省明洪武二十二年置新
添千戶所屬貴州衛二十三年改爲新添衛屬貴州
都司二十九年陞軍民指揮使司萬歷三十六年析
新貴縣定番州地置貴定縣於平伐司地

國朝康熙二十六年省衛入縣移至衛城設知縣一教

諭一訓導一典史一其境東至平越直隸州界二十
里南至定番州界一百二十里西至龍里縣界三十
里北至平越直隸州界五十里東南至麻哈州界二
十里西南至龍里縣界五十里東北至平越直隸州

界四十里西北至開州界五十里廣四十八里表一
百七十里城周七里三分計一千一百四十二丈有
奇高一丈一尺寬以石門四明城歷十三年築石城
於平伐司地康熙二十六年始築今城文筆山在城
南六里雲霧山在大平伐司西南上有九池曰九龍
池相近有冗刀山狀如列戟宋末有保郎者立砦此
山故址猶存又有谷峽山城北十里有山曰寶陽諸
峰皆在几席下也南四十里則有白馬山峻石巉巖
上有大池深不可測又南有連珠山上有坪極闊中

黔南職略卷二

八

起十二峰一水旋繞四山羅列牟珠洞在城西二十
里大道旁俗名母猪洞明庶子邱未實易名馮虛其
後洞曰雷鳴後鎮遠知府陳奕漣復易今名洞口石
笋一株大可數圍矗立十餘丈秉燭深入則石乳結
撰嵌空玲瓏雲譎波詭莫可名狀內有羅漢大士石
像妙麗莊嚴石鐘鼓叩之有聲石紋皆作梅花瓣皎
瑩如玉他人物鳥獸之形不可殫紀方輿紀要天啟
初安邦彥圖貴陽撫臣王三善自平越赴援至母猪
洞明日次新添是也烏龍洞在城南百里烏龍潭水
出其中深窈難窮中分爲二澄潭內蓄急湍外流靈